



Le Signur se benedesci y ciari de os. (Num 22, 24-25)

La ploania i fej les miús aodanzas de benedisciun y fortuna ai nüc: **Iris Ploner y Emil Sorá** co se dá adöm tal sacramont dal matrimone en sabeda ai 2 de jügn a La Pli, **Filip Ploner y Manuela Ploner** co se dá adöm tal sacramont dal matrimone en sabeda ai 2 de jügn a San Martin.

- **Laé la dlijia:** en **dedemesaledema, ai 30 de ma** vegnel perié i jogn da gní ales 18:30 ennant a stöpé jö la dlijia; en **jöbia, ai 31 de ma** dales 8:00 ennant é dötes/düc chi co sciafia periades/periés da gní a laé la dlijia.
- **Jí en Jenn:** la prozesciun de Jenn gnará tignida ai 7, 8 y 9 de jügn.



enformaziuns y termins

Oraziun: en dedolönesc ai 29 de ma ales 20:00 s'encunta te calogna le grup de oraziun con signor Sepl Granruaz. Düc é enviés y benodüs.

Conzert/1: la Scora de Musiga envieia der bel al concert de conclujun en dedemesaledema ai 6 de jügn, ales 18:00 tal salf dles manifestaziuns a Corvara.

Conzert/2: le cor da Viena „cantus juvenis“ sot ala direziun de André Comploi röa endô te Südtirol y se presenteia con n concert dal titul „TRUS“ en vendres, ai 1 jügn ales 19:30 tla Ciasa Ragen a Bornech y en sabeda, ai 2 de jügn ales 20:00 tla Ciasa J. B. Runcher a Badia. Desch'al é üsanza vegnel ince presenté deplü toc ladins. Ince eniann sarál da aldí n toch scrit aposta por le cor co gnará porté dant por le pröm iade: „Le lisció“ con parores de Iaco Rigo y con musiga de Iarone Chizzali.

Comun de Mareo/1: en lönesc ai 28 de ma, dales 11:30 ales 12:30, vegnel coü adüm a Al Plan dan comun le ciomont da tosser.

Comun de Mareo/2: en sabeda ai 2 de jügn jarán coi tiers ete tla Val. Al ven perié da dé jö al famei i dati dai tiers (Rinderpass). Por i tiers co röa sön Fodara Vedla é i dati da dé jö anter i 7 de jügn te Comune o al assessur Patrick Complojer.

Comun de Mareo/3: al ven scrit fora en post da cogo/cöga por la scolina d'Al Plan por l'ann de scora 2018/2019. Les domandes é da dé jö te Comun anter les 11:00 dai 4 de jügn. Enformaziuns plü monüdes, ☎ 0474 503753.

Ocio: le dotur Edo Agreiter lascia alessi che al sará demez tla edema dai 4 ai 8 de jügn. Al gnará sostituí dla dra. Mahlknecht, ☎ 349 0667034.



Familie ist wo Leben beginnt und Liebe niemals endet.

Döt le bun a: Oliva Ellemunter ved. Ellecosta * 29.05.1926
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 Mhz



VAL BADIA
www.unitepastorala.org

Ann B

27.05.2018 - GRAN FESTA DLA SS. TRINITÉ

n. 26

Gloria al Pere y al Fi y al Spirit Sant. Gloria al Dio su co é, co é sté y co gnará. Alleluia

☞ Deut 4, 32–34.39–40 | Rom 8, 14–17 | Mt 28, 16–20


Dal Vangelo do San Mateo:

Te chel tomp ¹⁶é i önesc discepui jüs tla Galilea sön la munt che Gejú ti á dé dant. ¹⁷Y canch'ai á odü Gejú, s'ái enlené dan da d'el. Mo valch dubitá. ¹⁸Danló ti é Gejú jü pormez y ti á dit: A me m'él dé döta la potesté tal ci y söla tera. ¹⁹Porchel jide da düc i popui y fajede fora de döta la jont mi discepui; bacedi tal ennom dal Pere y dal Fi y dal Spirit Sant, ²⁰y ensignedi da osservé döt ci che iu ves á racomané. Ciarede: lu sun pa os düc i dis cina ala fin dal monn.

Oraziun dal de

Periun! Signur, Pere tal ci, t'as mené töa Parora y to Spirit tal monn, por revelé le mister dla vita divina: láscesse professé tla derta fede la grandeza dla Trinité de Dio y onoré l'unité dles trei Porsones por la potenza de sües opres. Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen.

(Lezionar B)



☞ Letöres dla gran festa d'Les Antlès - Corpus Domini:
Es 24, 3–8 | Ebr 9, 11–15 | Mc 14, 12–16.22–26

Edema liturgica dai 27.05. ai 03.06.2018

DOM 27.	GRAN FESTA DLA SS. TRINITÉ <i>Augustin da Canterbury, Bruno</i> DOMEGNA DLES FAMILIES
08:30	gran messa en onú dla Sacra Familia por les families y por dōta la ploania ♪ scolari <i>offerta por i debojügn dla ploania</i> 10:00 <i>s.m. a Al Plan</i>
Lön 28.	<i>German, Wilhelm</i>
→ 19:30	corona con la Joneza en onú de Santa Maria por perié do so aiüt
Ded 29.	<i>Sisinus, Martyrius, Alexander</i>
07:30	s.m. por † Maria Ellemunter ved. Feichter, Cramer s.m. por † Emilia Kastlunger, Alnei
Dem 30.	<i>beat Otto Neururer, Ferdinand</i>
18:00	<i>s.m. a Al Plan</i>
Jöb 31.	<i>Petronila, Metilde, Aldo - de d'oraziun do vocaziuns</i>
19:30	s.m. por † sig. Merch Graffonara, ploan s.m. por † Maria Pedevilla ved. Morlang, Parü s.m. por † Margareth Baldissera, Roje
Ven 01.	<i>pröm vendres - Iustin, Sciomun</i>
→ 18:45	signor ploan va a proveder
19:30	poscibilité da se pissié s.m. por les Püres Armen s.m. por i amarés, funziun al Sacher Cör
Sab 02.	<i>Sabeda de Santa Maria Marcellinus y Petrus, Eugen I., Stefan, Armin</i>
07:30	s.m. por † Albert Willeit, Plazores s.m. por † Jep Rovara, Aroth
14:00	s.m. da noza por i nüc Iris Ploner y Emil Sorá
DOM 03.	GRAN FESTA D'LES ANTLÊS <i>Karl Lwanga y compagns, Oliva</i> CORPUS DOMINI
08:30	gran messa ciantada solena de ringraziamont por l'Eucaristia, prozesciun eucaristica con 2 vangeli fora Brach
11:00	funziun dal Bato de Leon Ellecosta
→ 14:30	espi da festa y benedisciun eucaristica
<i>ampola:</i>	por la fam. Taibon, Granciasa
<i>ministronc:</i>	▶ da doman y domegna: Laura y Miriam Palfrader ▶ da sera y domegna: Samuel Rigo y Nadia Frontull
<i>i recordun:</i>	Frieda Feichter Senoner, <i>Santa Cristina</i> + 27.05.2010 Anna Giustina Ploner + 01.06.2010



Önn te trei ... divinamont poscibil! (Mt 28, 16–20)

I ponsi do

Chelbeldio é protagonist dla storia d'umanità: nia en Dio astrat y dalunc, oramai solitar, mo en Dio co é unité d'amur, Pere, Fi y Spirit Sant, tan intensiva da ester na cossa sora y en Dio su. Plü co orei capí con le ce, él encö da tó sö con le cör y tla fede cösc gran mister de Chelbeldio.

I preii ensciö

I ne ciali nia ejompli co vá bun por raprejenté la grandeza de to mister, o Dio: trei notes metüdes adöm co fej önn en sonn, trei dimensciuns te na cossa sora, trei gotes co fej öna na sostanza... I sá ch'i ne capiará mai daldöt ci che trec á proé da splighé. I capesci ma che tö es dlungia me, y töa presenza de Pere veighi te to pordonn; chera da Fre y Amich te döt ci che Gejú á fat por me; chera de Spirit Sant tla forza y tla speranza che tö mo das. T'es Trinité d'Amur y Unité de Vita. Al basta ch'i le sái y le creii: i sun sogü ch'i le capiará deplen canche te gnarass ala fin dai tomps. Mo cöstes é cosses dal ater monn!

Walter Cazzaniga, Parola amica – Il Vangelo della domenica per ragazzi



Stories de Adam y Eva cuntades ai mituns (11)



Deache t'as fat cösc ...

Chelbeldio, le Signur, dij ala bisca: Deache t'as fat cösc saráste por dagnora slüta fora dla comunité dai vionc. Düc i atri tiers co vir söla tera ará tema da te y t'ará le senn. Sön l'onter desste te trá ennant y mangé stöp. L'era te sará por dagnora nemica. Sü descendonc sará i nemisc de tü descendonc. Ai te ciapará sot le cé y tö proarás da ti abiné le rencei.

Chelbeldio dij ala era: Tö arás na vita crödia: fadia, canche te vegnes oma; dories, canche te metes al monn mituns. To om te fajará la vita nia saurida. Tö le dejidrarás, mo el te comanará y tö messarás olghé.

Chelbeldio dij al el: Deache t'ás ascuté Eva, töa era, y mangé dai früc dal len ch'i t'á proibí messará döt le monn patí por töa colpa. Ficiuns y spinac cresciará sön la tera y tö messarás mangé erbes salvaries. Te messarás laoré, söé y te tormenté düc i dis de töa vita – cina che te möres y röes endö zoruch ala tera, da chera ch'i t'á formé. Stöp este y stöp gnaráste. *va ennant*



Funziuns liturgiches sö La Crusc



sabeda ai 2 de jügn: traslaziun dla Santa Crusc

ales 7:30 prozesciun da San Linert sö La Crusc, ales 9:30 Santa Messa.

Le lift da La Crusc é en funziun dai 10.06 ai 30.09 dales 8:30 ales 17:30.